



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. III. Alius modus probabilis explicandi actum liberum Dei,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

DE LIBERTATE VOLVNTATIS DEI. 403

92. Dices : Ex eo quod modus quem Fonfeca & Salaz superaddebat, debeat esse entitativè ens à se, collegimus fore entitativè indefectibilem, & è contra ex eo quod foret entitativè defectibilis, non fore ens à se, sed ab alio : Ergo ratio entis à se, defectibilitatem excludit : Sed terminatio libera, sub conceptu terminationis, est ens à se, identificatum cum sua existentia : Ergo est indefectibilis, etiam sub conceptu terminationis, vel si sub conceptu isto potest deficere, sub illo non est à se, sed ab alio, & cōsequēter imperfectionē dicit.
93. Respondeo concessio Antecedente, distinguendo Consequens. Excludit defectibilitatem, sub conceptu entitatis, concedo Consequentiam : sub omni conceptu implicante conceptum entitatis, nego Consequentiam. Sicut enim ex eo quod omnis formalitas extra Deum sit ens ab alio, rectè colligitur debere caufari à Deo sub conceptu entitatis, non autem infertur quod debeat à Deo caufari sub omni conceptu implicante conceptum entitatis, ut supra dicebamus. Ita ex eo quod omnis divina formalitas sit ens à se, bene infertur debere esse indefectibilem sub conceptu entitatis ; non autem colligitur debere esse indefectibilem, sub omni conceptu implicante conceptum entitatis à se, & increatæ : ex quo solum inferrur, terminationem liberam esse indefectibilem entitativè, non autem quod sit indefectibilis terminativè.
94. Denique contra eandem conclusionem arguitur. Ex nostra sententia sequitur, terminatio liberam realiter distinguiri à terminatione necessaria : Consequens est falsum : Ergo & Antecedens. Probatur sequela, separabilitas est signum distinctionis : Ergo realis separabilitas, realem distinctionem indicat, ut suprà contra Fonfecam & Salaz arguebamus : Sed terminatio libera est separabilis realiter, quoad sibi intrinseca, à terminatione necessaria, cùm potuerit realiter quoad intrinseca Deo non convenire, & terminatio necessaria essentialiter illi conveniat : Ergo realiter illa distinguitur.
95. Respondeo negando sequelam : Ad probationem, concessio Antecedente, distinguo Consequens : separabilitas realis entitativa, vel sub conceptu entitatis, concedo Consequens : non entitativa, sed terminativa, vel sub conceptu terminationis implicante conceptum entitatis, nego Consequentiam, & sub eadem distinctione minoris subsumptæ, nego secundam Consequentiam. Solutio sufficienter patet ex dictis, nec majori indiget explicatione.

ARTICVLVS III.

Alius modus probabilis explicandi actum liberum Dei.

§. I.

Explicatur sententia, & afferuntur rationes dubitandi.

96. Præter modum explicandi quo sententiam communem Thomistarum defendimus, in quo Reverendissimi Magistri Godoy scriptis usi sumus, qui tamen non adeo probabilis multis viuis est ; aliis est quem plures faciliorem existimant : Unde rogarunt me quidam, ut in hac quæstione celebri & perdifficili eis morem gererem, & alterum explicandi modum adjungere, ne
Tom. I.

A quid in nostra Theologia ex communiori sententia Schole nostræ desiderari possit. Premesso igitur primo explicandi modo, & in sua probabilitate reliquo, alium adjungere placuit.

Altera igitur communior sententia inter Thomistas, aut potius aliis explicandi modus, admittit actum liberum Dei esse ipsummet actum necessarium voluntatis divinæ, non tamen ut necessarius est, & respicit bonitatem divinam ; sed ut terminatur ad creaturas, & eas connotat, à quibus cùm omnino independens sit, eas summam indifferentiæ, & omnino liberè respicit. Unde in acto libero Dei duo distinguenda sunt ; alterum importatur in recto, & est ipse actus voluntatis divinæ, secundum suam entitatem, & perfectionem intrinsecam, quæ necessaria est : alterum vero importatur in obliquo, & sunt creature quas producit, & quas ut effectus connotat. Sicut enim cùm dicitur Deum unitum esse hypostasiæ humanitati Christi, nihil aliud reperitur, quam ipsa persona divina, quæ importatur in recto, & humanitas Christi in obliquo, sine alia superaddita perfectione, quæ persona divina uniat : ita intelligendum est, quod cùm Deus dicitur liberè volens creature, nihil aliud etiam reperitur, præter ipsum actum voluntatis divinæ, qui summam actualitatem terminatur ad creaturas, & eas connotat sine alia perfectione intrinseca, quæ terminetur. Et potest esse aliud exemplum forsitan apertius in actione creativa Dei, seu creatione activa, sive pertineat ad intellectum, sive ad voluntatem, sive ad aliam potentiam executivam. Creatio enim activa, nihil aliud est quam actus sive intellectus, sive voluntatis, ut connotat effectum productum, ita ut nihil aliud medium, nulla perfectio superaddita assignari debeat inter actionem Dei immutabilem, & effectum productum : ita etiam cùm Deus dicitur liberè volens creature, nihil aliud admitti debet, præter ipsum actum voluntatis divinæ, secundum se immutabilem, invariabilem, indefectibilem, & creature quas producit, & tanquam effectus connotat.

D Verum antequam hanc sententiam probemus, prius afferenda sunt argumenta, que possint objici, & quibus impugnari solet, nam ut suprà advertimus, hoc habet commune hæc quæstio cum mysteriis fidei, ut precipue aut unica difficultas sita sit in solvendis rationibus, & argumentis, quæ objicuntur. Ea vero argumenta ferè eadem sunt, quæ suprà §. 5. contra sententiam Gonzalis objicimus, quæ licet satis difficultia sint, ea tamen solvere conabimur, ut sententia quam hic explicamus, omnino sua probabilitas constet.

E Omnia vero ad duo capita revocari possunt. Primum probat libertatem divinam debere consistere in aliqua perfectione superaddita actui necessario, quia actus liber, quæ liber est, debet posse deficere, esse & non esse : Atqui actus voluntatis divinæ, necessarius secundum se, & quantum ad entitatem, non potest deficere : Ergo adenda est aliqua perfectio, intrinseca quidem, sed tamen quæ possit deficere : sicut servata proportione libertas creata est aliqua perfectio addita actui necessario, ipsi intrinseca, & tamen defectibilis.

Secundum vero, & que primum confirmatur, probat directè non posse consistere in actu necessario ; quia cùm effectus & denominatio sit similis forme, à qua oritur, impossibile videtur, quod actus voluntatis denominet & veluti efficiat voluntem alio modo quam sit : Ergo impossibile est, quod actus necessarius liberè volentem denominare.

Ecc. ij

97.

98.

99.

net, sed denominabit solum necessariò volentem. Ad hanc duo cetera omnia reducuntur, quæ postea afferemus, & solvemus.

§. II.

Explicata sententia probatur, & defenditur.

100.

Dico, libertatem divinam posse rectè explicare, afferendo quod actus liber, sit ipse actus necessarius, non quidem ut necessarius est, & ut terminatur ad bonitatem divinam, sed ut terminatur ad creaturas, & ens connotat: ita ut in reto importetur ipse actus necessarius secundum se, & quantum ad entitatem, in obliquo verò importentur creaturae. Hanc sententiam communior est inter Thomistas, quam inter ceteros egregie explicat & probat Nazarius, ex quo plura hic defumimus.

101.

Probatur conclusio. Ad libertatem divinam siue ut analogicè convenit cum libertate creata, siue singulare ratione, quatenus divina est, & à creata differt, tria duntaxat requiruntur. Primo quod sit perfectio intrinseca, cum sit perfectio vitalis, & immanens: Secundo quod sit defectibilis, quia actus liber, quia liber est, potuit non esse; & tertio ex eo quod est divina, requiritur quod sit immutabilis, quia in Deo nulla esse potest mutatio, aut mutationis umbra. Atqui hæc tria explicitantur, & conciliantur, si actus liber sit ipse actus necessarius, non quidem ut necessarius est, & respicit bonitatem divinam, sed quatenus respicit creaturas: Ergo &c. Minor probatur, & in primis esse perfectionem intrinsecam & immutabilem, est manifestum, cum entitas actus necessarij vitalis, sit immanens, & repugnet unquam posse mutari. Posse vero etiam deficere, in quo est tota difficultas, & quod videtur non satis posse cum immutabilitate conciliari, probatur ex eo quod non dicamus actum liberum esse ipsum actum necessarium, ut necessarius est, sed esse actum necessarium quidem quantum ad entitatem, ut tamen connotat creaturas: Atqui sub hac ratione potuit deficere, & potuit non esse; nam cum creatura ipsa possit non esse, etiam necessè est, ut hæc connotatio, quæ reperitur in actu necessario, possit deficere, sicut terminatio personæ divinæ, quia terminat humanitatem, deficeret, et si nihil intrinsecum amitteret, quod naturæ divinæ superadditum sit, ex eo præcisè quod humanitas uniri, & terminari desinaret.

102.

Probatur secundo, & ut multa prætermittamus quæ minus difficultatem attingunt, unicum solum ostendendum videretur, scilicet non esse necessarium, ut admittatur aliqua perfectio, vel actualitas, vel aliud quid simile, quod superaddatur actu necessario, sed posse ipsum actum necessarium quantum ad entitatem & substantiam, connotare creaturas, & ex ea connotatione denominari & fieri liberum: unde potest sic confici argumentum. Potest actus voluntatis divina secundum se necessarius, terminari ad creaturas, ut ad objectum materiale, sine alia perfectione superaddita: Atqui ut terminatur ad creaturas, non potest non esse liber: Ergo non est necesse, ut actus liber addat actu necessario perfectionem intrinsecam. Minor est evidens, non enim alio modo potest respicere creaturas, quam liber; cum sit ab iis omnino independens, neque libertas exercetur nisi circa creaturas, nam bonitatem divinam necessarij respicit tanquam proprium specificatum. Major verò etiam probatur. Quando actus

A terminatur ad suum objectum formale & specificatum, potest sine illa perfectione, vel actualitate superaddita, terminari ad objectum materiale: Atqui creature sunt objectum purè materiale respectu actus voluntatis divinae: Ergo idem actus necessarius, qui terminatur ad bonitatem divinam ut ad objectum formale, potest sine perfectione superaddita terminari ad creature. Major videtur aperta, quia cum potentia & objectu, proportionem, & ad equationem habeant, sicut objectum formale omnem continet perfectionem, bonitatem, & difficultatem; ita etiam omnis perfectione potentiae, & veluti omnis ejus vis exercenda est, ut possit attingi: cum vero objectum materiale nullam perfectionem addat, nulla etiam ex parte potentiae requiritur major perfectione superaddita.

Confirmatur exemplo intelligere divini. Idem enim intelligere divinum quod terminatur ad essentiam divinam, ut ad objectum formale, sine nova perfectione superaddita, terminatur ad creature, ut ad objectum materiale: Ergo etiam idem actus voluntatis divinae, necessarius quantum ad substantiam, potuit terminari ad creature, sine alia perfectione superaddita. Idem etiam aut quid simile contingit interdum in rebus creatis, nam eadem relatio paternitatis, qua terminatur ad unum filium, terminatur ad ceteros, et si nihil intrinsecum ipsi adveniat.

Probatur tertio ex quatuor dotibus & perfectionibus voluntatis divinae, quibus creatam superat, & quibus ostenditur, quod licet liberas creatas sit aliqua perfectio superaddita actu necessario, aut ipsi potentiae, libertas divina nihil addat, sed sit ipse actus necessarius, ut terminatur ad creature.

Prima perfectio est summa actualitas voluntatis divinae, ex qua sic arguitur. Ideo libertas creativa est aliqua perfectio & actualitas superaddita, & qua media est inter potentiam & objectum, quia voluntas creata est potentialis, nec potest seipso immediata versari circa objecta, & ea attingere: D Atqui voluntas divina actualissima est, & actus purus: Ergo poterit immediata, & sine perfectione superaddita, ad objecta terminari.

Secunda perfectio, & qua ex priori oritur, est 105 quod habeat immediate dominium supra objecta, & quod libertas divina non consistat in domino quod habet supra suos actus, ut libertas creata, sed in domino quod habet supra objecta, qua potest producere & immutare prout voluerit; ex quo sic eruitur argumentum. Voluntas divina actualissima, vel unicus actus ipsius, à quo nullo modo distinguitur; & qui secundum substantiam est necessarius, debet comparatur cum objectis, sicut voluntas creata comparatur cum suis actibus: Atqui voluntas eadem quantum ad substantiam producit actus & necessarios & liberos, quibus denominatur & necessarij & liberè volens: Ergo etiam voluntas divina, aut unus actus ipsius, idem omnino respicit, & bonitatem divinam & creature, & ab eo denominatur & necessarij & liberè volens; & cum creature variè respiciat, & immutet ut libuerit, etiam variè denominari poterit & volens, & nolens.

Tertia perfectio est quod voluntas divina sit infinita, & actus ipsius infinitus sit; unde sic arguitur. Ideo in creatis actus liber distinctus est ab actu necessario, quia sicut ipsa voluntas creata finita & limitata est, ita & quilibet actus est finitus; unde & plures requirit, quorum unus sit necessa-

tius, alius liber; alius sit volitus; alius vero nolitus; unus versetur circa unum objectum, alius vero circa alterum: Atqui è contra actus voluntatis divine infinitus & illimitatus est: Ergo idem qui secundum se & quantum ad substantiam est necessarius, poterit etiam esse liber, esse volitus, & nolitus, velle unum, nolle alterum; & cum ille unus, utpote infinitus, & equivalat omnibus actibus voluntatis creatae, & eorum omnium vim & efficaciam, quamvis diversi sint ordinis, contineat; poterit eorum omnium effectus, vel quasi effectus praestare, & denominare libere & necessariò volentem & nolentem: sicut forma superior quæ inferiores virtute continet, ut est anima rationalis, quæ continet vegetativam & sensitivam, eorum omnium effectus praestare potest.

107. Quarta perfectio est, quod non specificetur à creaturis: ex quo sic arguitur. Ideò actus voluntatis creatae unus & idem non potest esse necessarius & liber, terminari ad unum, non terminari ad alterum; esse indifferens ad terminationem, & non terminationem, quia specificatur à suis objectis, & ab ijs essentialiter dependet: Atqui è contra voluntas divina non dependet à creaturis: Ergo poterit idem actus esse & necessarius & liber, volitus & nolitus &c. Major est evidens, quia cum actus specificetur à suo objecto, sit inde, ut actus essentialiter consistat in habitudine ad suum objectum; unde semper eodem modo se habet; & candem denominationem tribuit, si sit volitus, denominat volitus; si sit necessarius, denominat volitus necessario: Ergo è contra si non specificatur ab objectis, sed ab iis sit independens, poterit idem actus esse & necessarius & liber, & utriusque denominationem tribuere:

108. Confirmatur: Voluntas divina suminè actualis, & unicus actus ipsius, qui ab ipsa ne virtualiter Dis. p. 1. art. 1. condic. 2. quidem distinguitur, ut alias diximus, & qui omnino quantum ad substantiam est necessarius, potest efficiere & praestare ea omnia quae potest voluntas creata, tum ratione sua mutabilitatis, tum ratione sua indifferentiæ, tum ratione plurium actuum: Atqui facile intelligimus voluntatem creataem, ratione sua indifferentiæ, & per plures actus, posse velle unum necessario, & velle alterum libere: Ergo & voluntas divina, et si nulla alia perfectio intrinseca superaddatur, poterit & velle & nolle, & velle necessario & velle libere: Major videtur aperta; quia voluntas divina, & unicus ipsius actus, continet eminenter quidquid perfectionis est in libertate, & indifferentiæ voluntatis creata, non minus quam essentia continet omtiem rationem entis; unde voluntas divina actualissima, correspondet voluntati creata ut est potentia, & ut habet actum; & sicut essentia divina, quia infinita est virtutis, in se habet rationes omnes, & eas veluti conciliat, quae in creatis opposite sunt, ita summa illa actualitas voluntatis divina, & immutabilitatem, & defectibilitatem, qualis necessaria est, & sufficit ad libertatem, conciliat:

109. Confirmatur ultimò exemplo ex mysterio Incarnationis desumpto: eadem enim videtur esse utrobius difficultas, & omnino par ratio. Nam quod in actu libero Dei difficultatem ingerit, est quod duo necessarij admittenda sint, quae non videntur posse conciliari, scilicet immutabilitas actus, & defectibilitas, qualis requiritur ad libertatem; hæc duo etiam in mysterio Incarnationis occurunt, nam persona divina incipit de novo terminare, & potest desinere terminare; & tamen

A persona divina est immutabilis, unde videtur eodem modo utraque difficultas resolvenda. Ita vero mysterium Incarnationis explicamus, quod immutabilitas se teneat ex parte personæ, omnis vero mutabilitas, & sola, ex parte naturæ afflampa; neque necesse est ullam perfectionem intrinsecam admitti in persona terminante, quæ possit mutari & desinere, cuius ratio est, quam afferunt Thonista cum Divo Thoma, quod persona terminante ratione sua actualitas, & non potentialitas; unde ipsa persona immutat humanitatem, ipsa vero nulla ratione mutatur, quia haberet aliquid potentialitatis, & posset alio modo se habere. Idem igitur erit dicendum de actu libero Dei, quantum ad substantiam esse omnino immutabilem, & summè necessarium, mutationem vero, & defectibilitatem se tenere ex parte creature productæ, quam connotat, neque aliud admittendum esse ex parte actus, quod possit desinere; cuius eadem ratio est, quia actus voluntatis divina non minor subest actualitas ad immutandas creature, quam personalitati ad terminandam humanitatem: Ergo actus voluntatis divina poterit immediate immutare creature, absque eo quod ullæ ratione mutetur, aut mutabilis, vel defectibilis sit.

§. III.

Solvuntur objectiones.

Tria sunt præcipua argumenta, quæ possunt objici, quæ hic breviter solvemus, & ex eorum solutione, facilis erit ad alia omnia, si qua objiciantur, responsio.

Objicitur itaque primum ad probandum libertatem debere consistere in aliqua ratione intrinseca superaddita actu necessario. Actus liber, quæ liber est, debet posse deficere, cum potuerit non esse: Atqui non potest deficere, nisi consistat in aliqua actualitate, vel ratione intrinseca, distincta ab actu necessario; siquidem repugnat actu necessarij posse deficere: Ergo &c.

D Confirmatur: Constitutivum divini decreti liberi, potius Dei deficere, sub ea ratione, quæ ipsum constituit libere volentem creature: Atqui quod Deum constituit libere volentem creature, non potest non esse aliquid intrinsecum: Ergo &c.

Respondeo distinguendo Majorem: Actus liber quæ liber debet posse deficere, quantum ad entitatem, perfectionem, vel aliam rationem intrinsecam, vel secundum illud quod importat in recto, nego: Secundum connotationem, & illud quod dicit in obliquo, concedo. Vel alii terminis, debet posse deficere subjectivè, vel activè, & secundum illud quod se tenet ex parte Dei, nego: Objectivè, vel passivè, & secundum illud quod se tenet ex parte objecti & termini, concedo. Et eadem solutio applicanda est Minor, & ejus probationi. Etenim actus liber non est actus voluntatis divina secundum substantiam, perfectionem, vel aliam rationem intrinsecam, quia nihil hæc sententia quam defendimus intrinsecum Deo admittit, quod non sit necessarium; sed est actus secundum virutem exercitam, ut habet rationem cause, & ut creature connotat: quod exercitum, vel connotatio duo dicit; alterum in recto, & est ipse actus secundum perfectionem actualis intrinsecam, omnino immutabilem; & alterum in obliquo; & est ipse effectus productus, defectibilis: Unde defectibilis

Ecc iii

tas quæ h̄ic reperitur, non est exigenda ex parte ipsius actus, sed ex parte solius effectus producti; quamvis etiam ex effectu quodammodo refundatur in actu, non quidem secundum substantiam, sed virtutem ut exercitam; quia si potuit non esse effectus, potuit etiam actus effectum non producere: sicut actio ut creativa, vel conservativa desineret, si desineret effectus, etiā tamen nihil intrinsecum actioni deperiret: quod idem contingere persona divina quæ humanitatem Christi terminat; si enim desineret humanitas, desineret terminatio etiam intrinseca, etiā nihil intrinsecum amitteret: quia terminatio nihil aliud est, quam ipsa substantialia Verbi Divini in recto, ut connotat humanitatem cui unitur in obliquo: etenim in hac sententia quam h̄ic explicamus, non est necesse quod adveniat aliquid intrinsecum, vel pereat, ut adveniat, vel pereat intrinseca denominatio, ut statim ostendemus.

^{113.} Ad confirmationem, concedo Majorem, & distinguo Minorem: Quod constituit Deum liberē volentem, est aliquid intrinsecum præcisè, nego: est intrinsecum ut connotans in in obliquo effectum productum, concedo; & sub hac ratione potuit deficere, quia potuit non producere effectum, nec ipsum subinde connotare.

^{114.} Objetetur secundò: Omnis denominatio intrinseca debet provenire ab aliqua forma intrinseca: Atqui denominatio liberi in Deo, est denominatio intrinseca: Ergo debet provenire ab aliqua forma intrinseca: Atqui iterum hac forma non potest esse nisi aliqua ratio intrinseca, superaddita actu necessario: Ergo &c. Hæc Minor subsumpta probatur: quia forma qua Deum denominat liberē volentem, non potest esse ipse actus necessarius; siquidem omnis denominatio similis est, & ejusdem conditionis cum forma à qua oritur: Ergo actus necessarius non potest liberē, sed solū necessariò volentem denominare.

^{115.} Respondeo primò Majorem esse absolutè negandam, quia interdum potest advenire nova denominatio intrinseca, etiā nihil intrinsecum adveniat, ex sola connotatione aliquicis extrinseci: cuius plura exempla afferri possunt. Nam materia prima dicitur habere vel complacentiam formæ præterita, vel desiderium futuræ, quæ denominations intrinsecae sunt, & tamen non oriuntur nisi ex connotatione formæ quam habuit, vel habitura est. In sententia eorum qui sunt extra Scholam D. Thomæ, & qui non distinguunt relationem à fundamento, fundamentum dicitur intrinsecè referri ad terminum, etiā nihil intrinsecum recipiat, ex eo solū quod terminum connotet; & agens dicitur agens intrinsecè, non quod actionem in se recipiat, sed quod eam in passo receptam connotet; & licet in vera sententia agens complementum aliquod virtutis recipiat, à quo denominatur agens effectivè; attamen non denominatur agens formaliter, nisi ex sola actione, quia tamen non est in ipso, sed in passo. Idem etiam in Deo reperitur, nam Deus dicitur Creator, quæ denominatio non potest non esse intrinseca, per solam virtutem activam, sine nova perfectione addita, ut connotat effectus productos; & dicitur etiam habere cognitionem futurorum contingentium intuitivam, sine ulla ratione superaddita, etiam virtualliter distincta, nam scientia visionis, & libera, nequidem virtualiter à scientia necessaria & simplicis intelligentiae distinguitur; quia illa distin-

A Etio virtualis non potest oriiri ex objecto materiali circa quod versatur scientia visionis. Demum persona divina dicitur intrinsecè terminare humanitatem, etiā nihil intrinsecum adveniat, ex eo præcisè quod connoter humanitatem cui unitur. Idem dicendum de actu libero Dei, Deus enim dicitur liberē volens creaturem, non quod aliquid intrinsecum recipiat, vel amittat, aut alio modo se habeat, sed quod in se immutabilis creaturem mutet, circa eas versetur, & eas connotet. Sed præterea

Respondeo secundò, non desiderari h̄ic formam intrinsecam, ex qua proveniat denominatio liberi, (quod etiam dicendum est de aliis denominacionibus creatoris, videntis, terminantis) provenit enim ex ipso actu voluntatis divinae qui importatur in recto, ut connotat in obliquo effectum productum. Unde concessio primo argumento, distinguo Minorem subsumptam: Actus necessarius non potest denominare Deum liberē volentem, ut est necessarius, & versatur circa bonitatem divinam, & secundum perfectionem intrinsecam, secundum se & præcisè sumptam, concedo. Ut versatur circa creaturem, & eas connotat, nego: sub hac enim ratione non est necessarius, sed liber.

^{116.} Objicitur tertio: Decretum liberum est Deo ratio cognoscendi creaturem existentes, aut futuras: Sed non secundum rationem intrinsecam, quoad intrinseca necessariam: Ergo quoad intrinseca liberam, ac subinde qua possit deficere secundum intrinseca, non secundum extrinseca solū, & secundum illud duntaxat quod importatur in obliquo.

^{117.} Respondeo concessa Majori, distingundo Minorem. Decretum non est ratio cognoscendi creaturem secundum aliquam rationem intrinsecam necessariam, ut necessaria est præcisè, concedo: ut versatur circa creaturem, & eas connotat, nego. Decretum ergo liberum duo dicit, ut sapientius explicuius, alterum in recto, & est ipsem actus secundum rationem intrinsecam; alterum in obliquo, & est creatura, vel existens, vel futura: cum verò illud rectum, scilicet actus voluntatis divinae, obliquum connotet, scilicet creaturem, facile poterit esse ratio cognoscendi creaturem existentem vel futuram.

ARTICULUS IV.
An detur in Deo libertas contradictionis, ita ut eius voluntas, ab omni actu libero potuerit manere suspensa?

§. I.

E Proponitur status questionis, & pars affirmativa, ut probabilius eligatur.

^{118.} Suppono primò, tritam & communem liberum divisionem, in libertatem contrarietatis & contradictionis. Prima est indifferentia ad actus contrarios, ut amare, & odio habere. Secunda est potentia ad actum, & negationem ejus, sive ad volendum & non volendum.

^{119.} Suppono secundò: Quod cùm libertas Dei non sit potentialis, sed per modum actu purissimi; & cùm in Deo actus liber non distinguatur realiter à necessario, sed unus & idem actus simplicissimus, eminentissimo modo sit necessarius & liber: necessarius quidem per ordinem ad divinam bo-

^{120.}